

## A' o'baches Mensch

Am Meedich sechsch' du hü, am Deisdich hott  
Am Middwoch bisch' a' Hex', am Dooschdich bisch' a' siaße Krott  
Bis Freidich goahd's, bis du di' b'sennsch'  
Du bisch' a' o'baches Mensch!

Mol bisch' du lammfromm, noa rabiāt  
Mol bisch' oheimlich echd, noa falsch, wia schad  
Ond Zeida geit's, wo du di' net kennsch'  
Du bisch' a' o'baches Mensch!

I' bleib' doa, du mechsch' fort  
I' sag' Schbiel, du sechsch' Schport  
Mir goahd's guad, dir goahd's mend - problemadisch!  
I' moag Sex, du moagsch' fenf  
Du kriegsch' d' Wurschd, i' da Senf  
Du willsch' Hond, i' will' Kend - wia dramadisch!

Oimol därf' i' nei, noa fliag i' naus  
Noa hoiß' i' Affaarsch, noa wiadr Zuggr-Maus  
I' wär fei, wenn du di' mol trennsch'  
Au' so a' o'baches Mensch!